

溧陽縣續志卷十六

雜類志

瑞異

彭子美妻孥年一百十八歲已見舊志瑞異孥孫真年一百九歲真妻白年一百二歲一門三壽俱過期頤洵

稱人瑞

據彭氏譜補

嘉慶十八年春正月雨雹十九年夏旱大疫地生白毛二十年夏五月飛蝗蔽天而過不爲災是秋有年二十五年訛言翦人髮

道光元年秋疫三年大水民飢秋七月水沸有聲居民咸登舟避之十一年秋八月地震十九年秋九月地震

溧陽縣續志

卷六

雜類志 瑞異

一

二十年冬十有二月晦震雷二十一年國子監生談秉禮五世同堂知縣鄧秉乾獎以五世其昌額二十二年春二月大雨雹夏六月日有食之旣晝晦二十六年秋夜大風有赤光自北而南聲隆隆若霆流星隕如雨地大震二十九年夏淫雨田麥盡沒兩月始平水鄉飢三十年夏麥熟秋有年

咸豐二年冬十有一月朔日有食之晝晦地震三年春正月日無光燐火四起不旬日金陵陷三月地大震水沸有聲地生毛夏四月彗星自西北竟天五年冬十有一月水沸六年春三月彗星見於東南夏大旱地生白毛秋蝗民飢七年春蟪生夏麥大熟五月霖雨蝗盡死

秋大有年八月有彗星見於北斗九年天雨血空濛若霧以手承之有頃流丹是年國子監生談秀廷五世同堂教諭徐杏儒獎以熙朝人瑞額十年春三月雨雪白晝至夜乃止是月縣城陷於粵寇十一年春正月大雪避寇者逃於山谷中多凍死彗星見於西方光芒垂地同治三年春三月縣城復有狼嚙人秋多野豕傷禾冬大雪野豕自斃四年夏水七年秋八月大雨雹多野豕八年春有豕食野豕殆盡夏六月大風敗屋雨雹十年秋七月太白晝見經天十一年春三月大風發屋夏六月地震

光緒元年麥稔秋水二年夏四月譎言翦辮三年自三

溧陽縣續志

卷六

雜類志 瑞異

二

月至五月不雨夏五月蝗大風發屋拔木是年知縣王祖慶以已故縣學生員蔣鍾祥妻趙氏親見七代五世同堂具詳題准部覆

恩給萱榮八秩額緞疋銀兩五年春三月雨雪冬十有一月夜雷七年秋七月夜隕霜八年夏雨雹秋八月彗星見於東北十二年冬十有一月雷震斃一人十二月大雪樹介十四年旱地生草如毛夏秋疫癘十五年春三月知縣李超瓊以彭富庚妻錢一產三男賞銀米有差秋九月連雨四旬傷禾十六年夏秋疫癘十七年自春徂夏旱六月大霖雨秋有年夏秋復有疫十八年夏秋旱有蝗二十一年秋九月大雪二十二年夏水秋旱二十

五年州同銜蔣廣生親見八代五世同堂督學瞿鴻禨
獎以燕翼曾元額

紀聞

依本書門
類編次

明焦竑說桔云古平陵城西北有陰地數畝天色澄霽
亦若雲陰土盡泥淖雖旱不坼好事者以長竿續刺之
深不可測偶一失足卽占滅頂嘗有二牛鬪於此轉瞬
陷沒不見鄉人爲之築圍以阻行人註謂青州有地鏡
水影亦此類也

王芑孫溧陽晉錢詩序云嘉慶癸酉夏嘉福權守溧陽
都司有耕者發地得五銖錢十萬嘉福分其百錢以來
余考漢五銖累更罷復自魏明帝復興迄晉南渡輕重

溧陽縣續志

卷六

雜類志 紀聞

一一

雜行今茲十萬無一他錢參錯決非唐以後入土者又
其製不精恐是晉錢而非漢錢也按晉史書大臣葬動
輒賜錢十萬賜錢百萬溧陽在晉始屬丹陽繼又改屬
義興郡沈充蘇峻先後弄兵所至非兵燹所遺卽是晉
墓被發

計六奇明季南略云甲申八月十八日癸卯馬士英請
免各府州縣童生應試上戶納銀六兩中戶四兩下戶
三兩竟送學院收考時溧陽知縣李思謨不令童生納
銀特降五級

乾隆甲子都中重修貢院時翰林院亦落成

上幸宴畢卽幸貢院號舍是日

御製七律四章有志聖賢志須當立言孔孟言大是難之句
凡聞者見者莫不感奮一時館閣諸大臣競和難字溧
陽史相國云漏殘蠟淚終宵易筆走蠶聲得意難
袁枚隨園詩話云溧陽狄夢松夢中得句云眾鳥歸來
託繁林得所天初不解所謂後會試場題與前詩意相
合韻限天字卽用夢中句試官以其暗合

聖意遂入選旋官翰林

方侍郎苞溧陽會業初編序云余客澄江宜興儲君執
禮示以在陸草堂課文用意多不苟其尤者氣質雅近
古文而今溧陽狄太史向濤名億復聚其子弟鄉人課文
遠問於余發而讀之其材雖各有所就而并沐浴於古

溧陽縣續志

卷六

雜類志 紀聞

四

以發其英華波瀾意度大略與在陸草堂之文相近也
余多病少學於時文尤疎誦諸君子之所爲嘆賞其工
而已豈有足以相益者哉諸君子之鄉薦紳耆儒多深
於文律者太史之文固嘗流通當世足爲楷法而儲氏
有老師曰同人太史昔與同學而在陸諸君所取衷也
壤地相接諸君子往而問焉必有相得而益彰者

據望溪先

生集
外文

明任福隨征入蜀招撫諸夷授九姓長司賜主盟六詔
四字吳爲楫大能寒軒詩鈔有詩紀之其第三首云古
今開國重和戎爲數諸任翊戴功六詔盟成歸赤縣一
官世守長烏蒙從龍不墜前朝業貢馬能輸內嚮忠話

到江南應有夢

任故溧陽人

邊城花雨一般紅

雍正五年九月任蘭枝以禮部侍郎使安南歸為圖六以紀之天台齊侍郎召南出公門各題一律於冊持節云殊方萬里總

堯天使者星從北斗邊九譯早時來白雉十行新

詔賜朱鳶擎將繡節雲霄迥賦就皇華驛路鮮此日交南先自賀名臣還覩漢任延出關云憑祥州上鎮南關駐節臺懸紫翠間雨洗烽煙清五管雪明組練映千山前驅雙引銀黃印膜拜平分黑白蠻應笑相如騰漢檄但誇駟馬錦城還入境云鸞旌遄發及春餘直指龍編畏簡書正值東臬催火種卻看北戶拱辰居檳榔樹外眠耕

溧陽縣續志

卷六

雜類志 紀聞

五

犢鸚鵡聲邊過傳車舊是中原疆索地停軒回首幾脚

踏渡江云錦帆朱舫趁風輕巨象文犀兩岸平

安南用大紅船

天使至岸上列象犀隊以迎

南海神迎天上客富良江繞越王城雲

高銅柱何時折地湧丹砂是處明知有詩篇吟望裏思

家戀

闕倍關情宣詔云雕題黑齒幾千羣遙聽歡呼動地聞測

景祇分羲叔宅開邊那用伏波軍

先時邊吏議用兵天恩寬大遣公持

詔賜之雷傳

天語敷膏澤風為文星埽瘴雲再稻八蠶仍外府可知樽俎樹奇勳還朝云志成異物足蒐羅賓館新篁綠又多上國使回風有信越裳人道海無波獅牌何待矜宗慤翠

羽從教貢尉作歸侍

天顏頻送喜白狼槃木譜新歌

普化帖木兒元進士南臺御史謚忠簡見舊志爲張士誠所害有與妻子訣別詩二首天欲崩兮地欲坼余何人兮敢望活飲醜兮如飴流血兮當碧 鵝鵝飛兮斷雙翮誓偕老兮訣今日列凶狀兮叩帝闈遣雷霆兮擊橫逆

楊青瑣號漪雲明季諸生明亡不食六日卒有絕命詩云收拾青箱萬卷書平生慷慨意何如閉門自問無長策殂兮奚煩登彼墟

羅子木詩不傳而詩序爲鄞縣張蒼水煌言撰見冰槎

集因亟錄之 曩歲義師北指瀨水羅生謁余於江上年雖少指陳山川形勢甚悉余業以清河客擬之然竟引去曰親在身未敢許人也余遂亦揚舲西上收復姑孰宛陵聞羅生已應延平王招從其族父軍將往徇吳會而延平師潰踉蹌挂帆又聞羅生涕泣遮說不克留於是奉其父隨大軍道江浮於海夫海固今日忠義淵藪也中多古嶠逋臣處士率抗節其間而越嶠與閩嶠蜿蜒錯落相距數千里雲岫微茫風潮噴薄鼇柱之離奇蜃樓之變幻真足洞心駭目羅生將縱覽焉因奉其父而南未幾羅生悄然有所思恍然若有所失則又奉其父以北舟次閩之三山猝與大兵遇羅生促其舟鑿

戰思以死衛父矢集鎧如蝟墜水得生而乃父竟就縛
以去羅生流離滄溟宛轉島嶼間欲出奇計以救父卒
不得乃父生死音耗然後稅駕於余行營焉悲涼酸楚
至於嘔血故其所爲詩篇清峭蒼寒一如夜猿秋鶴可
聞而不可聽斯足悲矣余聞之瀨水實伍子投金處也
方子胥躬丁家禍違命而奔鬚髯爲白彼非不知父死
之當殉而懼夫父仇之不得復也瀨死者屢矣賴蘆中
丈人瀨上女子危其身以相援僅僅得達吳市然終不
免吹簫乞食而後乃稍稍見用也迄能入郢以報家仇
及橋李之役師敗君亡又能相其嗣君入越以報國仇
此其人爲何如者哉今羅生所遭國難家難兼之矣是

誠不共載天之仇也而困頓顛隳亦無以異乎蘆中人
豈天將老其材以報復君父之深仇耶抑生不逢辰坎
壙終身移其孝以成忠耶固不可與清河客同年而語
矣然則羅生始以親在未敢以身許人而終不免以身
許者許國也以身許國而因不能全其親究之親不獲
全而身將焉許是誠古今之所深悲也欲知羅生者盍
讀羅生之詩

瀨江逸史一卷明末周斯撰斯字盛際

又號安

家戈旗里

與姪廷英字光升

又號一明

崇禎間同遊邑庠從金沙周仲

馭鑣宣州沈眉生壽民講求經世之學有二阮之稱宜
興堵牧遊允錫幼附塾戈旗師事周君陳斯深器之以

忠孝相切劘甲申之變邑人彭旭史澤史太乙史順震
陳剛陳叔美蔣舒蔣雲卿蔣育生錢國華馬英如徐茹
英楊原鎮王立本狄奇節周重周在公等慟哭於明倫
堂謀起義斯曰勉之人各有志吾將削髮入閩訪黃石
齋先生矣爰賦古風以別廷英云易水何瀟瀟爲別長
秦客不若博浪沙千載聲名赫易水博浪間謀之亦失
策慷慨輕一身舉世甘巾幘俯此丈夫軀忽焉慙七尺
撫此區區心燦燦應匪石圖霸又圖王佐漢功名亦惜
非魏無知名計空籌畫子亦濟川才何爲各困阨詎作
阮風流平生事浮白嗟哉征雁孤秋風動羽翮撫劍斬
離愁如在陶潛宅廷英以詩答之云孤臣薪膽瘁離憂

撫劍悲歌瀨水頭忠孝無名題古刹君親有恨淚孤舟
羞將冠蓋同人彘喜却袈裟學海鷗從此扶搖九萬里
南來正氣在於周兵燹之後惜無傳本

狄晉觀埋井骨記云志載至正十二年紅巾賊陷城有

吳青吳江兄弟者由芳莊

今隸宜興

率義勇入援戰於太清

觀前俱死之夫當喪亂危急之秋匹夫慕義爲國捐軀
尙欲收骨歸葬未可得也抑投諸智井聊免暴露理或
宜然嘉慶丁丑夏因鑿池見古井撈出骸骨二具同事
史榜瘞之於東門外橋南數十武許碑曰元義士吳青
吳江兄弟之墓按太清觀前朝在邑之廟西去此稍遠
其骨之爲吳與否故老從無道者然其埋齒掩骼仁也

一舉而兩善得焉爰識數語勒於井旁之壁又五桂軒記云族祖太常得僕氏地於射圃東僕元時望族也五桂坊以此得名今族人歸其地於公爲收育嬰孩之所堂西築三楹繞以迴廊旁植五桂卽以名軒並不忘所自云二記舊刻石於育嬰堂西偏迴廊今存彭鳳喈郊行見村毗犁田得一棺銅環四角木係杪枋將埋其骨而鬻其棺鳳喈止之爲擇地遷葬題其碣曰溟溟君之墓

陳名夏石雲居集湯築夫傳云先生往南都道中遇少年與一婦哭甚哀旁一翁叱之先生驚問故少年曰家貧負富人債將棄婦以償婦不忍棄故泣又驚問叱之

者少年曰婦之父也渠利嫁若語畢復泣先生盡出橐金與之一友人曰與一半可先生曰彼負債而棄婦將以自存如所與者僅償債而不足以自存猶之乎不與也遂盡與之且屬曰汝不獲已問吾姓名來城中終必濟若其叱者亦愧謝

史震林西青散記瀟湖之遊主溧陽姜光衡家其先世慕義好施相繼孝友無市井猥薄慳詐之習又多好生能惜物命故自溧徙瀟而家以振

明華衮過溧陽周二安贈以詩云天下誰知已聞聲獨有公會求高士傳今見古人風草澤容歌笑乾坤屬啞聾五噫何必作廡下有梁鴻

張庚 國朝畫徵續錄溧陽馬世俊善山水好作巨障不專師法而自出杼軸聳拔奪目同邑吳穎並稱於時又有宋垞同歲貢生寫意花草筆致天然兼工書法孔克齊至正直記云溧陽徐生本刀鑷者其妻昔爲故家之妾旣娶而改業及有娠乃屬其夫遷居鄉先生李仲舉之鄰且曰令子在腹中日聞讀書聲必有益也後生子朝顯字公達自五六歲卽能記誦千餘言此母之所訓也

宋鑛洮湖盟鷗館詩鈔溧陽孝女篇敘云孝女居溧之西鄉父某欠官租吏繫過女村女以衣釵向鄰里質貸乞代償免父惡役俞某需索不遂遽挾之去女號泣追

溧陽縣續志

卷六

雜類志 紀聞

十

呼十餘里遂赴水死聞者哀之惜言者失其姓氏

吳家塘節婦史氏夏莊儒士史標名之姊也適吳夫故守節年逾五旬姑亦早寡以雙節名於里明末南都陷有騎兵數百徇溧陽掠吳家塘氏不屈死周一明以詩弔之云昔有瀨水女擊漂清溪流水清月溶溶貞女不可求貞女家史氏去今已千秋史氏復有女永言矢柏舟春風度五十紡績詎云休姑老亦早孀雙節矜里州烽火迫旌閭冰霜一劍酬空帷血流碧烈烈風颼颼卓哉女丈夫我爲巾幗羞

四庫全書提要禮記通識三十八篇 國朝芮城撰任啓運以朱子經傳通解一書中喪祭二禮續諸黃氏其

於禮記不爲完書而僞本吳澄考注分合增減尙多未
安惟 國初芮城所定三十八篇其條分規合遠過僞
吳氏本啓運更其先後補其缺略定爲禮記章句四十
二篇

宿州藝文志溧陽任昌孝廉晚眺有懷云春風二月柳
如眉獨上吳山欲暮時渺渺中原一悵望歸鴻盡處是
苻離

鳳陽縣志藝文黃稼溧陽人臨淮阻風云驅馬紅心驛
泥塗恐行客遙遙望臨淮倭遲日將夕孤城瞰水涯堞
影漾空碧舟子聚浮橋招招聲絡繹我亦倦揚鞭欣然
卽泛宅詎意狂風發中宵蕩魂魄淮流纔若帶勢欲連

溧陽縣續志

卷六

雜類志 紀聞

十一

雲白兀坐起整衣沈吟念疇昔淡月騰波光相期浣塵
屐菊色負東籬杭香失南陌歲晚曷言旋遠遊悔非策
稼字穉曾有菊園集白下送吳漢若歸梁溪云爲憶初
逢日嚴寒到石城文章爭一字風雨對三更逆旅傾心
久言歸別緒生錫山惆悵望霜樹含遠情據鄧漢儀詩觀
朱彝尊明詩綜溧陽彭正德字伯仁明初官福建廉訪
使西州卽事云一雨洗空碧江城獨依樓山銜殘照沒
水挾斷雲流燈影深村夜鐘聲古寺秋西州舊遊處薄
宦此淹留

蔣良驥東華錄云康熙四年十二月兩江總督郎廷佐
報溧陽縣民獲玉璽篆文人心惟危至允執厥中十六

字命儲庫內賞獲玉璽人願起龍等各銀五十兩
咸豐四年甲寅清明時祭埽或見古塚之平場者脚下
洞然一穴始以爲狐兔出入處也徧視旁塚十居其二
三兼有零星枯骨遺漏草間乃大相驚訝并訛傳有人
鈎取尻骨以合藥物夜間或雇守塚人預防其患
光緒二年丙子夏有魅髡人髮及秋又有妖人翦楮爲
兵睡寐中魘人其至先有青燐入室居家多懸道藏書
籩籩籩籩四字於戶以厭之時民心皇皇達旦不寐守
者篝火巡者鳴金士人糾察道涂綦嚴行旅頗有戒心
至秋末妖絕

光緒四年戊寅夏有虎出沒燕山之麓一日而斃二人

行人戒途虎亦不知所往

阮葵生茶餘客話云任蓋思編修抱病時里中扶鸞者
自稱峨眉山老人問何以來此則書約任端書回山未
幾蓋思索筆題詩曰巖前流水杳然去門外桃花幾度
開放眼峨眉山下路不知歸去是歸來

袁枚隨園詩話云陳大輪入學時年十九偶病劇夢紫
衣僧自稱元圭大師握其手曰汝背我到人間盍歸乎
來陳未答僧笑曰且住且住汝尙有瓊林一杯酒瀛臺
一碗羹吃了再來未遲屈其指曰此別又十七年耳言
畢陳驚醒一汗而痊己未成進士入翰林陞侍讀學士
三十八歲秋復病因憶前夢十七年之期自知不起常

對家人笑曰大師未來或又改期亦未可定忽一日早起焚香沐浴索朝衣冠著之曰吾師已來吾去矣同年金質夫編修素好佛者在旁喝曰既率他來又拖他去一去一來是何緣故陳目且瞑強起張目笑曰來原無礙去亦何妨人間天上一個壇場言畢跣趺而逝

溧陽粵匪之禍最烈戡定後訪求邑人記述寥寥無聞故續志於兵事一門缺略尤甚惟周緝甫璐溧災記略一卷強賡廷汝詢求益齋詩鈔多敘當年亂離危苦之

狀因附錄以備參覽

記畧。咸豐三年金陵失守粵匪蹂躪安徽江蘇賴向軍門多方守

禦總統張國樑精忠報國屢立戰功賊匪憚之嗣因向督積勞成疾卒於軍

欽差大臣和春總督何桂清

擁兵自衛張總統孤軍拒賊兵餉不支為賊所困咸豐十年二月廣德城陷賊首李世賢者本屠戶性尤暴戾

溧陽縣續志

卷六

雜類志 紀聞

十三

謀溧陽兵少糾其黨羽李忠等號二百萬倉卒奄至其時三月二十二日也承平日久民不知兵越日城陷文武員弁俱殉人民死者無算各鄉紛紛逃竄避外月餘逆賊偽榜安民誘還鄉里即勒進貢逆命者目為土匪縱火燒殺進貢之家戶口登簿給以門牌每門逼令輸洋壹元貧者無錢即以通妖罪之賊呼良民為妖故有通妖之說各處立鄉官有監軍軍帥師帥旅帥卒長司馬伍長等名目按戶歛錢號為禮拜始以七日為期後則日夜搜括民不堪命偽尚書胡子封偽將馬桂功程同容等助賊肆虐錢糧糧米之外增設田捐每畝每日勒錢一文而別項苛派十倍於是茅屋亦計楹出稅以至男婦人口無日不嚴搜括督催者皆賊中兇悍供饌不豐賄賂不厚動輒鎖拿殺人樹木及廟宇宗祠旗匾俱封記以作柴火大者造礮船水師擄掠甚於旱隊以故船戶逃亡幾盡近城數十里房屋盡行拆毀令民搬運入城不從命者殺之舊屋有壁硝碎磚煨作火藥名為紅粉新屋無硝亦以敵硝為名多方苛索彼意蓋在富戶也硝館之外又有炭館食用靡費皆逼勒於民鄉間粒米賊見之必搜去糠粃不遺名為打糧老弱悉令充當夫役凡壯夫可任事者多為賊館扣留必重價勒贖贖回又被他賊拉去面刺太平天國四字逃去復獲必殺田荒不得耕種間有種稻者賊必押夫獲刈送入

館以充公餉飼狗彘牛馬盡用白米糞壤中粒粒皆精鑿賊首稱侍王有義安福燕豫侯等偽爵以天字為號天義天安天福為最貴自稱天朝以南南京為天京儲錢偽號太平天國賊主稱天父天兄徽浙兩省各有頭目其設官畧仿古制有丞相承宣尚書參軍校尉諸職各以兄弟稱自相統屬百姓稱之為大人侍賊稱千歲其母與妻稱王娘下則概稱貞人所虜幼孩名小把戲以充賤役養為子者稱公子蓄髮不剃大者紫黃帕小者紫紅帶百姓以紅頭目之亦謂之長毛毛愈長則爵愈尊互相擄掠凌弱暴寡兇者稱雄羣賊奉命惟謹建王府造衙署役夫數萬鞭扑匠工片時不得休息多隕命者賊據城淫樂酣飲食必用樂演戲歌唱無虛日所淫婦女稍不如意即割乳剖腹刺其心而食之入或觸其怒或自相猜忌捲以油蘆烈火焚熬以洩憤其餘活埋者纍纍也凡官宦之家呼為妖頭殺之必盡鄉里橫民倚賊勢作威福其氣燄不可嚮邇縉紳之禍烈焉溧陽為金陵通衢賊匪過往不絕無分晝夜大小隊至每打館鄉村供給之外囊括銀錢戶口為之一空及其去也捉民為夫肩輿負擔疲則殺之於塗少壯者或驅至數千里外百無一還以故民愈少田愈荒賊亦無所擄掠乃屯紮各鄉自為耕種築城垣挖濠溝環衛如營寨居民之力農者拘錮之以供耕作餘則盡逐於外凍餒疾

溧陽縣續志

卷七

雜類志 紀聞

病死者枕藉肉未朽腐或割而食之且有煎人膏鬻於市者諱之為牛皮膏賊尤喜食人肝人亦自相食嗣是白骨成邱淒涼滿目匪徒漸有變志矣同治二年我師克蘇州明年正月李撫軍鴻章遣兵復宜興二月初二日官兵抵溧陽之渡濟橋侍賊率眾出城迎敵我兵奮勇鎗礮聲震山谷賊乃退保入城城內羣賊先已剃髮投降閉門不納侍賊窘請還家屬不許遁至廣德旋又剃髮來溧以偵官兵遂率死黨數千竄湖州由江西竄福建陷漳州後為偽康王汪海洋所殺先是侍賊之偽佐將吳人杰約為內應我兵統領官郭松林帥洋勇頭目李恒嵩戈登整軍入城復溧陽時同治三年二月初三日也案溧邑道咸之間實在男丁四十餘萬城陷後逃亡殺掠至同治四年冊報實在男丁不滿四萬云。求益齋詩。感憤。昔在道光朝宇宙號清謐恭儉格天心深仁洽民物武夫張弓矢耳不聞戰伐海夷頗寇盜不久就羈繼吾郡傍江濱業已受齟齬流離遍土庶慘死不勝述至今事雖往殘膽猶顛兀何意十年來復見烽火密荆楚被賊氛沿江盡震軀十城九已閉矛戟更森列居民爭遷避往往遭掠奪寇來未可知擾攘禍已烈迂儒歎世事扼腕肝肺熱賊起本么麼芽枿可立剗有司習泄沓養賊禍兩粵致煩動師旅調發因騷屑軍政久不修懦將率怯卒畏聞金鼓聲先走託奇策擾

民類狼狠避寇如鼠慄遂合勢日熾毒談殷焮燁銅柱
失崢嶸桂海氣蕭瑟樓槍漸北移相顧莫敢遇全州曹
刺史大義獨激切羸民守孤壘慟哭外援絕慷慨以身
殉滿城被屠割誰實總大師不救罪宜殺賊馬遂長驅
沅湘盡流血戎車屢易將旌壘未改色洞庭縱飛渡一
月數郡失武昌號重鎮陷作腥穢窟達官盡橫死狼藉
不歸骨諸將竟何爲坐視賊塘揆臨戎借軀命焉有報
國術未聞馬謖死望作林父活誰能叩 帝闈一請

正軍律 至尊方焦勞勁旅更增益餉金日累萬所
恐左藏竭計臣議加賦 聖念重憫恤不忍累吾民

丙帑更籌撥用兵豈得已討叛固宜必此賊不速誅朝
野未休息我 朝金甌固薄海民志一逆黨皆裔從未

有蜂應迹眇茲孤與豺一鼓可殲滅安得却勇將刻日
奏凱捷 聖清億萬年黎庶康且吉。述憂一百韻。

佛鬱復佛鬱憂來歌慨慷所憂竟何事高與嵩準平我
生三十載習觀四海清晏安生戈矛寇亂潛枿萌紅巾

起南服毒燄日縱橫沿江五千里焚掠無完城楚黎已
塗炭烽火達吳疆石頭高巍巍壁堅復深隍嗟無墨翟

智孰遏盧循狂一二忠烈臣捐軀爲國殤其餘逃草間
展轉更偷生潤州望風潰蕩蕩門不扃此邦盛文物坐

聽罹羶腥野哭聞遺黎交口怨中丞揚州賊未至奸民
乃相迎款賊盛酒饌引賊入門庭受屠乃更慘背國誠

溧陽縣續志

卷六

雜類志 紀聞

五

何名傳聞賂賊金百萬何煌煌以此募死士豈不一軍
張縱令力不支亦號忠義邦坐爲悖逆計倡謀果何倉
生則爲叛徒死亦蒙惡聲哀哉三名城化作蛇虺易殺
人地爲赤縱火天爲赭蒼生數百萬慘死不一形或刃
截其脰或矛縱其腸或持刀自刎或覓繩自經或縱火
自焚或飲酖自戕或近入於井或遠投於江或匿竇穴
中氣絕人莫詳或逃蓬蘽下薑螫痛復僵或爲賊所齧
役使如犬羊日受箠挺毒枕藉死路旁或父失其子或
弟喪其兄或途踣羸老或衢蹂稚嬰或家有婦女遭掠
昧存亡或幸挈家逃十口無見糧或犯霧露毒傳染羣
罹殃二者死飢疫親戚不服傷謂得脫白刃終命視爲
常至今三城下積尸若山岡諸將實目擊豈無悲憤情
謂宜手戮賊庶可謝生靈湖自仲春未大軍已連營遠
東選突騎關右徵勁兵國家用全力薄海望功成差彼
亡命徒冥頑豈有能跳刀類戲劇踞城無儼防其中多
脅從乘隙輒投降降凶徒知必死延喘暫披猖我軍眾既
倍兵練勢力強倘乘初至銳士馬齊騰驥一鼓塞壕塹
百道樹衝輞擒渠獻闕下散衆歸農耕策助懋爵賞諸
將豈不榮奈何互觀望玩寇坐徜徉持重既無謀豈若
拙速良楚師攻潤州列柵京峴坪其將既闕茸其兵尤
悍淨晝饗盛酒炙宵樂喧琵琶爭黃金鑄杯箸文錦製襖
褱紀律鮮一申剽斂遍四鄉東村尸橫陌西村火連甍

可憐幕前殺亦有田閒氓多財士氣驕厭役王事輕燒
營竟逃潰乘勢遭憑陵棄甲爲賊用遺糧爲賊振援兵
縱亟至凶燄轉益增罪愆在將帥按劾無公卿將圖恢
復功必重撓敗刑居然斧鑕脫安望矢石當頗聞報敗
疏不啻飾罪章 聖恩固寬大兩輩宜警惶不亟奏
捷書何以報 朝廷凱歌既遲迴訛言方沸騰或云賊
分道北向入豫疆或云盛舟艦泝流寇南昌根株不速
拔滋蔓誰與懲消息雖多歧傳聞益心忤我家奇異縣
距賊百里程前瞻懼猛虎後顧憂豺狼縱聞議團練遠
近僉民丁雇募及病坊趨勇非山柵此輩豈足用虛令
費錢鏹風聲日洶洶人心益惶惶兵燹雖未及惕若倚
巖牆蒼天氣候異六月如秋涼元雲黯然起白日無晶
光疾風撼大木晝夜不暫停蓄茲杞人愚撫景憂益長
恭惟我 國家盛治侔虞商梗化此有苗勞師同鬼方
終當威弦弧一發銷櫜槍豈吝斗牛分久見太白明顧
余志同仇迫切獨撫膺未聞鯨鯢戮實憤將士惟上念
九重憂下哀萬姓創中夜撫劍歎浩然氣崢嶸登
高望江上正見烽煙青吁嗟勿復言言之心神驚。觀
兵行。騎兵步兵相雜行什什伍伍弓刀鳴紅旗大書
奮勇字慘淡殺氣橫孤城是時仲冬寒凜凜朔風如刀
面如割短衣淋漓馬毛溼膏雨疾馳不得息深泥滿路
旋作冰赤脚踏冰踵流血忍飢耐痛更苦寒道旁向火

溧陽縣續志

卷之六

雜類志 紀聞

羣嗟歎自言家鄉木黔粵五載轉鬪思歸難卽今來江
東逐賊蕪湖口安營席未暖捧檄復奔走君不聞毘陵
汪大夫練士設防安堵久愚民相驚背叫呼太守告急
飛密書虎符森嚴促馳赴中路始識訛言虛謔言虛實
豈難辨我曹來往空馳驅天寒地凍苦相困此生不幸
操矛弧噫嘻吁么麼小醜何足齒隳突橫行六千里微
盧樓煩盡調發北戰南征未休止行營終歲駐江皋知
爾從軍久告勞願聞大將鳴戎鼓早使征人掛戰袍。
後觀兵行。裏頭縛袴著襦褌大刀如雪槍如霜官兵
經過勢洶湧北風怒捲天雲黃鄉民生不識軍旅壯夫
驚走兒童藏老翁偃僕前致辭村小不足容軍裝諸君
誠勞亦誠苦願供一飯不望償有雞盈盤酒盈缶諸君
醉飽無相傷健兒食已相顧笑我曹豈止求充腸破戶
直入不可當顛倒筐篋搜衣裳或於床頭攫釵釧或向
村外驅牛羊東村西村婦女哭健兒歌笑方洋洋江東
用兵已經歲此邦僻陋民無妨 詔書屢申司馬法
嚴戢剽掠安善良爾曹紛紜犯軍律罪及主將誰能量
況聞賊中饒玉帛破賊充賞皆爾囊何不力戰取富貴
翻使閭里增瘼創。江上謠。悲哉秋聲何蕭條慄慄
颯沓西風高孤鴻哀鳴獨鷓鴣叫水鼉夜吼山巖咆千音
萬響競淒楚哀哀并入遺民謠長謠聲酸短謠苦長者
如曉短如語君聽江上一悲歌風景蒼茫淚如雨。浮

雲隨風變化速況復兵興多反覆惡少揚揚佩虎符世家流徙悲枵腹城中老翁年六十城西女兒年十六舊時肉食垂綺羅今日飢寒面如鵠前飛鵲後飛鵲爾曹孤子終何託城頭日落烽火黃躑躅西臨大江哭。潤州有貧上讀書欲求伸三間破屋不自保避亂遠走棲窮村相彼羣雞尙啄啄術無懸衣盡無粟入門四顧風淒淒妻呻兒哭號寒飢奮然脫衣去暮歸慘懷抱糲米毒堇和作糜呼婦攜兒同一飽嗚呼亂離東餒固多死決絕窮途乃如此。憶初避亂屏蒿萊日夜企望官軍來鼓行入城戮羣醜鬻銀典衣備沽酒野花三開葉三脫茫然滅賊無消息豈徒賊滅無消息轉益猖狂肆搗揆甫聞南山血橫流旋見骸骨撐東洲當時只道鄉村好豈意鄉村不自保前有猘偷後有狼東奔西走徒倉皇。瓜洲築城三百丈潤州開河一千尺設險限城稱奇謀下令驅民何促迫奮杵荷鍤敢告勞嘔軋邪許聲嗷嗷河淺尙易成城長工未已倏忽寇兵來斗作城下鬼官兵遙視如不知寇退仍催續基址君不見河流湯湯城屹屹寇騎來往仍超忽叙勞文武方揚揚哀哉不恤遺民創。秋月黯慘秋雲寒新鬼故鬼嗚悲酸城邊觸骸長蓬蘞鶴鷗飛來作人嘯遺民漂泊寄江滸中夜聽之毛髮豎健兒膽氣誠維豪野幕置酒吹笙誦天明結伴入村市鏽澁腰間雙寶刀。堂堂名城張寇旗

深陽縣續志

卷六

雜類志 紀聞

七

歲歲攻掠無休時蒼生虛望謝安石諸將誰是陶征西錦衣健兒樂莫樂花帽凶徒厭酒肉可憐良民獨苦辛面目瘦黑衣裳薄哀哉斯謠不忍聽舉首仰望青天青何時急注銀河水一洗江邊戰血腥。臨江歎。臨江一百城一城三萬家更無一家有完室但見白骨紛如麻死者猶爲故鄉鬼生者流離異鄉死晝號夜哭不忍聞慘面殘形不忍視羣凶笑樂何足論官兵笑樂竟何以百姓盡死兵盡生茫昧吾難問此理國家開疆武臣力一城費盡千弧矢偃戈培養二百年始得熙熙富生齒今也好民盜弄兵所敵堅脆誠難比諸將謬秉闔外麾坐聽名郡生荆杞濟濟公卿拜厚祿四郊多壘豈忘恥。天子憂亂方焦勞誰肯分憂贊國是撫綏荒散擇龔黃節度諸軍薦郭李嗚呼安得郭李輩出龔黃多普天耒耜銷干戈江平如席永不波殘黎息喘重婆娑小臣作頌懸厓磨。雜述。舊事竟如何畧說心傳測孤城初受圍四野血已赤始奔李圍住轉瞬寇復迫四顧烟火飛慟哭天地窄孟秋暑轉熾烈日酷于炙婦嬰互攜抱曠野悲躑躅空山蠹荒祠纍纍夜棲息陰風怪禽嘯慘悽齒齒相擊展轉達梓村稍覺烽火隔頭連病榻續豈信有安魄悲哉倣擾際困苦焉有極村落多橫尸遺黎哭親戚吾家幸生聚敢復怨艱厄。村中遇相識邀我具晨餐烹葵煮菽米破几陳杯盤爲言寇昔來流

血門巷丹至今風雨夜新鬼嘯煩冤茅屋幸未燒剝掠
竭倉困飛蝗復助虐寸稻無遺根遺人何以活對坐泣
朝昏勸客苦無肴濁醪姑盡斟明年客再至豈復有人
民嗚呼艱難時一飯感殷勤重聞話喪亂對酒益酸辛
○聞王師累捷進逼江甯喜賦二律。水陸雄師據上
游歷陽姑孰已全收剛聞戰艦通京口已報前鋒次石
頭丞相頻年開幕府楚軍從古冠諸侯東南重有昇平
望喜劇翻增杞土憂。堅壁重濠寇久遁攻城最下語
非迂長圍已痛前車覆援寇須防間道趨急遣偏師清
句曲更分戰棹下姑蘇鄴城何必勞諸將先翦思明是
合圖。聞人說溧陽事感賦。偏師直擣平陵城窮寇
股慄不敢撐面縛道旁長跪迎受爾降款丐爾生前洗
宿慝齒庶氓此輩狡悍習已成鷹雖化鳩目可憎黨類
相結猶橫行欺暴良懦誰為懲燕山高高瀨水清逆氛
雖靜餘垢腥嗟我桑梓徒
關情欲歸未得心忤忤

疑辨

按舊志職官類元自至元二十八年革路存縣至元貞
二年升州首尾六載中有主簿張某一舊志據柳貫待

溧陽縣續志

卷六

雜類志 紀聞 疑辨 六

詔集以第二張某為張演演見各宦以至元末主溧陽
簿今據張譜其始祖張坦以至元二十八年主溧陽簿
是在革路存縣之第一年當以張坦為舊志第一張某
按坦公餘之暇泛舟出游愛菱山樹木陰翳地僻人幽
遂卜吉於菱山之西明義鄉構屋數椽砌石成橋人名
為張家橋

補遺

鄉賢祠西壁符公去思碑

碑文。去思謂何思符侯也

民牧者或表表自見或煦煦愛人者眾矣民或未之思
也何有於去也是何也年未多也澤未久也或未出於
誠也侯在溧陽歷年多矣施澤久矣存諸心達於政者
誠矣當道上其政於朝者口矣今年夏六月命侯同知
高州府溧之民如赤子之失慈母也於是相率狀侯績
之可徵者懇請上官且引借寇之說為况例不得請又

相率謳歌蹈舞以揄揚善政至號泣而隨之嗚呼是豈可以聲音笑貌爲哉侯去矣民思之不能忘且父老又相率謀諸邑人南京刑科給事中史君巽仲志去思於碑以示永久巽仲述其□□諸同年友南京吏部考功主事汝泰具□文以復其鄉之人人泰重巽仲請遂隳括其語歸諸庶乎樂道人之善□與人爲善之意也亦成人之美也辭曰維溧陽縣地大物暢南畿之望使匪其人庶事斯湮民隱斯殷天子留意慎擇長吏根本斯隸振振符侯大命是承大邑是膺侯旣戾止政無廢止民川又止侯之教民適先以身匪刑法是循旣作泮宮又鑿泮池髦士孔宜介此髦士訓以經史惟聖賢其止邑有大田原隰匪同旱潦斯凶圍堰維隆陂澤雜咨民弗知庸史氏之女趙淮之妾凜有遺烈廟貌有嚴麗牲有神匪侯曷爲猛虎他去雨暘反沴侯禱如契民無病涉民無死疫維侯之德野有遺骸爰作義塋分俸是營百爾庸供爰度事力民稱均一經營所需歲折其中公家用充誰爲埋金在壘之下民無知者乃爲易俗乃爲峙穀惠此熒獨不矯不隨毋弛毋渝六年於茲時旣久矣澤斯厚矣斯父母矣父母去兒今將安之高人嘻嘻我溧何□悠悠我思何時而夷爰勒貞珉用章侯恩以詔我後人侯名曰觀衍觀其字生長新喻擢魁會試賜第進士○南京吏部考功主事吳汝泰撰吏部郎中邑

溧陽縣續志

卷六

雜類志 補遺

五

人陸徵書丹山東司郎中邑人史學篆額宏治十一年歲次戊午

新喻符觀鄉賢祠記云鄉賢一邑之翹楚眾所仰而望以爲標表者也桑梓之間聲光相接邱壠相比固有卓然於前如景星慶雲一時快覩旣而邈矣弗及見焉故惟表章以示人則後賢有所矜式凡民知所向慕里社聚會之際必相與談論往行故績庶皆可以興起此鄉賢祠之所以作也溧陽西漢以上史或漏書賢者無徵東漢以下或僑居或仕或隱老於家惠於鄉黨奮武勇振紀綱蹈義赴節歷歷可指是固卓然於前矣是一邑之望也非虛生漫死者也祠而祀之宜也弘治改元知縣熊君達始建祠於戟門之左繼者以名宦木主混其

中祀禮猶闕越八年予來知縣事始復白之董學御史林公於戟門之右建名宦祠工甫畢尋奉詔郡縣皆立鄉賢名宦祠今昔之建適符詔旨時戶部郎中史君學使還知嘗留心先哲相與議古酌今得其德尤著者刻主於祠以祀見趣余記以成熊君之意俾邑人仰瞻是祠罔不起敬起慕無有後且忘者游泮諸士必尙論其世旣交鄉哲復師聖賢學行並進聲聞益起出熙偉績而肩袂前修率凡民一於善顧有賴矣記曰祀先賢於學所以教德也信哉

名宦祠記云天下自廢封建而置郡縣長貳代更至今亡慮百數其間臧否不齊求能盡心牧民攄赤報國後

世仰慕而不忘者無幾也然祀之有無係於有司之崇否未有定制豈古者報功之美意哉溧陽漢縣也始自縣令熊君達於戟門之左建鄉賢祠繼者以名宦木主混其中祀禮猶闕予始率屬行之復白董學林公於戟門之右建名宦祠工甫告就尋奉詔郡縣皆立鄉賢名宦祠報功美意曠千古而始備甚盛典也茲邑之建適符其制按志名宦若漢之長唐之尉宋之令與判元之州守教授明之令與丞皆有功當祀觀其布政優優義重而利不入其心以詩自適而竭迎侍之力值兵荒而力求免賦率義民以擒叛賊化民以誠正俗以禮多有惠政屢立戰功善教而士類興善政而賦役平皆功懋

澤深被當時而流後世耿耿在人耳目而不能忘者也
然君子之心惟修我職保我民終我譽而無穢青史身
後之祠有無何計哉報祀之來固天理之不泯人心之
不釋焉耳夫昆蟲貓虎坊庸一物之微有功於民尚食
其報况君子之功加於物祀事之報也宜哉祠之成始
由分教夏君盛楊君倣同志相助終於司教李君良卿
至用訖其工與夫講堂倣而葺之學門徙而新之城逼
學宮而闢之科貢伐石以紀之修庖舍移射亭或革或
因皆諸君與丞簿克相以成功茲以祠事請記辭弗獲
遂表往者之功以為來者之勸云宏治十一年春

彭俞字濟川宜春人學邃於易自號連山子宋紹聖四

溧陽縣續志

卷七

雜類志

補遺

三

年進士知溧陽縣事理冤獄甚多監司連薦之遷朝散

郎據尚友錄舊志職官題名失載

學宮圖有郎李二公祠久廢祠址雙碑屹然一為郎公

號景愚續志祠類郎李二公祠條下一為李公名思恂

郎碑萬曆乙卯歲立李碑崇禎丁丑歲立查舊志職官

文題名有李公思恂而郎公失載無攷雙碑歷遭火劫

李碑漫漶不可讀郎碑殘缺姑照錄之碑文○古之循吏能使在任吏

習民安之既去而懷思不忘尚矣然大要久於其政或居官長子孫否則所歷一再考其有餘者以歲計夫然後政化洽而□□作未有甫浹月而使民愛之如天親然鯁鯁然若免於懷而思永其澤者也孝豐郎公之為南京兆也未下車而輿人之誦已盈道矣日是嘗為新昌興安以廉平卓異聞於朝者乎是生厚其餼□□者拔之朔望詣學宮廸諸生以性命之學日藝不根性命華無當也善政二鄉約廢久矣公率僚屬若鄉先生父

老子弟講習之民至雪涕戒毋負公善政三指俸以助
孝子芮增齡□□狄氏彭氏若而人曰是風教之原也
善政四邑故健訟往往以小忿越訴於大吏公聽訟平
氣以剖之民愧且悅事悉歸質於□乃至吏□聲如豺
貪如狼者不得乘事以蔽民之兩造乃始衰矣善政五
□山諸鄉苦旱公力請蠲以後期中止民嗷嗷待哺公
政六捐貲葺養濟院之圯者慮獄囚輕者亟釋之其比
死法而無家屬者給以衣棺民曰□澤能起道殣於溝
壑造福堂於犴狴矣善政七修上興步廡以備曠修□
圩以禦水修保甲法以止盜賊蓋庚癸不呼而刁鈴不
警善政八日食惟脫粟飯以直與民□易之□□投匱
□親較其衡吏不得多取民一錢至□□代耕之祿於
府史胥悉以原封出之人謂公真直飲溲水也善政九
俗之巫覡鼓歌禱祀者禁之婦女之出游者罪之無賴
子之聚而五木□□者□□之□□□□□□而
□者□之□□之亡依爲人魚肉者護持之俗競彬彬
然漸漬於禮義矣善政十於是宋君言未畢不佞肅然
□拱而颺言曰有是哉公所以治瀨者古循吏所爲居
官長子孫或一再考歲計不足者而乃以三四月得之
□□教著□令□□永於百年宜民之翕然聞公去而
不忍諼也蓋管大夫嘗有言矣惡氣迎人惜於金鼓善
丹

溧陽縣續志

卷六

雜類志 補遺

三

邑人史濟元重建名宦祠記云名宦與鄉賢兩祠並附
饗於學宮義至深且遠也一則邑之賢達血食不朽一
則治邑者之賢令留芳無斁一則於前有思慕一則於
後有興起而子孫之所儀型父老之所負杖咸於是乎
在我平陵兩祠久已圯壞邇者於鄉賢祠爲其後者先
募道人蔣如松鼎新之矣我邑紳士孝慈之心庶幾先

盡而忠義之誠又誰無之則名宦一祠安可聽其淹沒不振乎況諸凡舊父母皆吾民之先代食德者也在昔日或感恩而謀報或聞風而仰止應聿舉尸祝之典在今日則有舉之莫或廢也一唱三和誠甚易焉應再賡甘棠之章仍借力於蔣道人俾之備具而鼎建焉且以堅固久遠爲約不料物力維艱拮据不易幸李父諱思恂號獻波雲南名進士捐俸貳拾餘金以襄之夫然後好義者與諸商賈各助一朝之饗故廟貌得以聿新而功成矣若力之不能及者無奈也夫代有名賢世世有父母之思則其壞者可葺而廢者可舉也并以樂輸者協助之名勒之石以俟後之再舉是爲記崇禎九年仲

溧陽縣續志

卷六

雜類志 補遺

三

秋月

宋兵部尙書姜國玘墓在蜈蚣山

宋進士擢御史姜雲中墓在鮑莊

宋溧陽縣學官黃默墓在西門外七里岡

元溧陽路達魯花赤沙里的威墓在沙漲里

元進士平章山東行省普顏不花墓在潤州華蓋山附

明開封府教授黃琮墓在西門外大石山

周仲賢字思齊元泰定甲子八速張益榜官翰林承旨

終侍讀學士

羅策明崇禎庚辰魏藻德榜

李主良永樂癸未恩科信州通判李克訓同癸未

虞賓成化庚子科

夏源申子科

徐守正嘉靖戊午科孫抃同戊午

許善根辛酉科

國朝陳朝康熙甲午科順天

史誌勳武舉人崇禎壬午科錢繼美字國器同壬午任

撫州建康廣信屯田使

國朝錢振順治丁酉科

施陽和祐子字育仁舉宋博學宏詞

彭英字子華與兄傑同舉元經明行修

彭守學明永樂元年詔舉文學士被徵修永樂大典

溧陽縣續志

卷六

雜類志

補遺

十四

周爽字士直以人材徵授漢王府典膳轉伴讀遷浙江

麗水縣知縣擢安吉州知州終福建泉州府知府

國朝彭遇隆舉康熙間文學科授通判

房通元大德間任山西大同潞安軍儲副使

房曰彥至正間任湖廣安化縣教諭

普託輝明洪武間任蒙古國子監司業

宋亞拍從征雲南授指揮

楊旺之授飛騎尉

普守孝江西補用縣丞

普守仁廣西布經歷

普守智大理寺評事

普芝生永樂間布照磨

普枚生邠都典儀

普著生太醫院醫士

普騏天順間舉羣長典司解馬官事務

普國儒舉羣長

普驥國子監典簿

房宣成化間任浙江海甯縣知縣

楊鈞任河南汝甯府檢校

唐寶嘉靖間授王府典膳

周杲字孔陽任四川重慶府經歷

普期間庠生國子監典籍

溧陽縣續志

卷七

雜類志 補遺

五

普正元武生句容縣外委

唐命舜隆慶間授鴻臚寺序班

周道郁字完岳萬曆間任吉水縣知縣

周道允字瞻麓考授鴻臚寺序班

周命新字培峰天啟間任山西黎城縣知縣

周鼎鉉字孟玉任兵馬司指揮

李大臨候選通判

楊錫騏上虞縣縣丞

戴維昌字永全崇禎間任江西安福縣吏目明末與子

元泰姪元素合門殉難

周道南考授迪功郎

周慈字世卿太醫院院判

王言候選同知

王曰俞候選府經歷

王志明拔貢河南鄆陵縣知縣

楊光裕任應天府知印

陸節歲貢任湖廣襄陽府訓導

國朝楊喬字升望康熙辛卯歲貢

蔣仔肩乾隆甲寅歲貢

吳兆龍丁卯歲貢

蔣秉桓丙子府學歲貢

楊希道字新溪陝西行都司經歷任廣東鹽課提舉司

溧陽縣續志

卷之

雜類志

補遺

三

正提舉鹺政肅清巡按楊一桂巡撫楊溥贈以多史揚

清額嘉靖三十四年授行人兼監察御史奉使冊封安

南時安南軍主廖玖與王頡頑王不能制希道至示以

天威潛勒兵疾赴之玖惶遽待罪王感甚其謝表有賴

天使之迅奮幸桀逆之潛消等語前後贈遺以萬計希

道一一封識迨出境悉還之交人益敬服焉尋以奉議

大夫致仕生平捐義田濬溝洫惠物濟人不勝指數祀

廣東名宦祠

狄同然懋官湖北廣東知縣蒞政之暇輒與諸生剖析

經史疑義事上不阿自奉廉潔尤以豈弟見稱從漢陽府志

史調元溧陽進士崇禎間知江陵縣風裁骨鯁造士愛

民會惠藩宗人夥盜行劫調元執而鞫之宗人奪犯沈潭以滅其口反譖之惠府竟爲所中傷荆人至今猶稱

頌焉

從荊州府志

陸晟字日成明正統十年晟年未弱冠父被枉將陷大辟迺泣語人曰吾父年老二兄有室此罪晟當之奔赴法曹自誣代繫父獲無罪明年諸司詳察疑獄免歸邑里嘆異其孝以比梁之吉玠

陸澈字時舉天順中母陶頸患毒疽澈醫治至忘寢食聞古黔婁嘗親糞以決疾之瘥否遂取嘗之不月而愈人以爲孝感云

強霆字汝威成化時人衡州府檢校丁母憂廬墓三年

溧陽縣續志

卷六

雜類志

補遺

二十七

嘉靖中知縣王諍獎以大倫克盡額

楊應櫟性至孝父疾刲股和藥以進尋愈母疾復刲右股萬厯中知縣王如珪旌以篤孝可風額

姚爾訓刲股療母萬厯中知縣王如珪旌以純孝可風額

彭諷性孝友諳之仲兄也嘗刲股愈母疾家貧弟不能讀鬻產延師不給亟字已女以聘禮作修脯其尙誼如此

彭史氏翽繼妻生子數歲與前母子戲於水子淹死翽欲斃前母子以償氏曰吾子死吾尙能生前母已矣奈何以吾子故死其子事遂寢

彭朱氏典妻綠林夜入倉猝間以智巧脫轉危爲安其識略有過鬚眉者

周芮氏廷萃妾性樸誠相夫恭順知縣李本固以私隙殺廷萃氏日夜慟哭徧告親鄰求能代夫伸冤者不得則投水以死姪如唐義之奮然以身任氏質衣飾變田產盡數與之冤果得雪

周蔣氏維昭妻幼知書歸周後家綦貧夫館於外氏課三子讀不使少暇次子世祿成進士得力於母教者多也常訓子孫以忠厚待人不可刻薄薄以待人適自薄耳聞者以爲名言

周曹氏復東母翁名瀛遭家難又值歲饑氏力爲支持

深陽縣續志

卷六

雜類志

補遺

三

卒能脫翁於難家中落聞三吳名士不吝脫簪珥易資斧遣復東往師之教仲季以力耕克勤克儉家業重興年七十太守張祥鳶作序稱之

周吳氏完能妻自幼歸周末嘗疾言遽色先意承志深得舅姑心鄉黨咸敬服之

以上賢淑

馬氏世俊姊八歲能詩匡庵詩集附載其和諸昆季觀陳白室張苓石詩畫七律云月照池花砌草閒桂叢天際孰能攀臨流上下如分影對鏡悲歡失故顏南北卜居雖隔院弟兄校史不輸班風雲何事占闔管休訕詩成片紙慳

彭史氏學正旭妻金壇進士大玉女幼承父教善屬詩

文研墨揮毫千餘言立就遺稿八卷惜未梓兵燹後散佚無存以上才媛

周朱氏身妻康熙二十八年生兩次刲股愈翁姑疾卒年六十八篤孝

阿魯真氏元普顏不花妻見舊志益都之難率妾葉爾劣氏女元秀閨秀女孫玉蘭英及普賢努妻字羅氏哈喇岱妻海篤氏分投舍南舍北并死

昂吉爾氏普化帖木兒妻張士誠逆命偕夫仰藥死

卜顏的斤氏普皆妻工吟詠有捷才益都之難闔門從容投井殉節作絕命詩二首其一云百萬雄師壓斗城蟲沙變色鶴猿驚江南有路雲遮隔怕聽春歸杜宇聲

深陽縣續志

卷六

雜類志 補遺

五

其二云天傾地陷最愁人賴有寒泉葬妾身骨肉同心盟白水井中猶作合家春又作詩寄夫及子名仲淵云覆巢何幸脫孤雛夢斷鴛鴦信到無寄語兒夫莫惆悵泉臺有妾事翁姑

王楊氏明知州亮采妻性貞慤知大義事翁姑以孝聞亮采死難石州訃至自經以殉嘉慶十六年 旌

何姜氏世華妻幼失怙恃叔以氏字世華既知其有隱疾欲悔之氏不從及嫁夫病已篤遂約與偕死夫歿哭泣盡哀殯葬畢縊於墓旁里人王行儉為立傳以志不朽卒年二十

王史氏焜聘妻未嫁夫亡過門守志旋即自盡湖南桃

源縣知縣沈道寬題守善完貞額 以上貞烈

楊陶氏灝妻崇禎十年生二十二歲守節卒年六十五

楊湯氏勉妻十一年生二十四歲守節卒年九十二

弼邵氏嘉粹妻見舊志據後裔報作邵氏

楊錢氏大年妻嘉慶十七年 旌

宋于氏充妻二十八歲守節卒年六十一督學景福獎

以節孝可風額

宋蔣氏慶泐妻三十歲守節卒年七十七督學景福獎

以柏舟矢節額

陳朱氏朝瑄妻知縣朱正色獎以節媿松筠額

陳蔣氏良恂妻知縣何惟藻獎以匪石可轉額

溧陽縣續志 卷六 雜類志 補遺 三十

陳鮑氏明志妻知縣鄒廷模教諭鄭文徵獎以淑德流

芳額

趙楊氏義儒妻順治二年生二十四歲守節卒年六十

七

陸包氏夢麟妻二年生二十六歲守節卒年六十

趙虞氏溥節妻七年生二十三歲守節卒年九十二

虞陳氏鵬九妻八年生二十六歲守節卒年六十

王徐氏廷樞妻十一年生二十六歲守節卒年六十三

劉鍾氏毅侯妻十三年生二十二歲守節卒年六十二

趙吳氏義讓妻十四年生二十五歲守節卒年五十一

劉徐氏鼎啟妻十七年生二十八歲守節卒年六十二

趙虞氏演求妻十八年生二十七歲守節卒年七十七
趙周氏孝建妻十八年生二十九歲守節卒年七十五
楊梁氏中慶妻康熙元年生二十六歲守節卒年六十
六

王強氏維翰妻元年生二十九歲守節卒年九十一
虞王氏聖裔妻元年生二十九歲守節卒年七十一
趙宋氏和公妻四年生二十三歲守節卒年一百三歲
劉王氏履端妻五年生二十三歲守節卒年七十五
狄費氏監生書妻五年生三十歲守節卒年五十一
趙劉氏義雅妻七年生二十九歲守節卒年五十五
楊史氏公期妻八年生二十五歲守節卒年六十九

陸姜氏九如妻九年生二十四歲守節卒年六十七

趙姚氏世琦妻十年生三十歲守節卒年六十四

虞張氏正行妻十一年生二十四歲守節卒年八十

虞王氏高鏞妻十四年生二十九歲守節卒年六十六

趙汪氏伏生妻十五年生二十三歲守節卒年八十

姚管氏于傲妻二十年生三十歲守節卒年六十八

劉羅氏起嘉妻二十一年生二十一歲守節卒年七十

八

趙周氏義祿妻二十三年生二十四歲守節卒年七十

四

劉呂氏節生妻二十三年生二十六歲守節卒年六十

三

王徐氏文用妻二十五年生二十九歲守節卒年四十

九 施陳氏曰友妻二十七年生二十一歲守節卒年六十

六

強黃氏鎮治妻三十四年生二十五歲守節卒年七十

八 前報作王氏

姚吳氏起鳳妻三十六年生二十九歲守節卒年五十

九

陸吳氏匡齊妻三十七年生二十四歲守節卒年七十

八

溧陽縣續志

卷七

雜類志 補遺

三

王任氏夏孫妻三十七年生二十七歲守節卒年四十

五

劉岑氏起介妻三十七年生二十九歲守節卒年八十

二

王楊氏雲幃妻三十七年生二十九歲守節卒年八十

何朱氏亦聘妻三十八年生二十五歲守節卒年八十

五

陸謝氏錫章妻三十九年生二十二歲守節卒年七十

一

劉虞氏起省妻三十九年生二十六歲守節卒年七十

六

楊王氏文魁妻四十一年生二十二歲守節卒年六十
七

虞周氏乘法妻四十一年生二十七歲守節卒年六十
六

陸陳氏世爵妻四十四年生三十歲守節卒年六十六
陸葛氏正名妻四十五年生三十歲守節卒年七十五

周蔣氏志廣妻四十六年生三十歲守節卒年四十九
陸謝氏仲機妻五十年生二十四歲守節卒年六十八

強陳氏振隆妻五十一年生二十八歲守節卒年五十
二

陸呂氏詩成妻五十六年生二十五歲守節卒年六十

深陽縣續志

卷六

雜類志 補遺

三

二

史羅氏韜妻五十七年生二十六歲守節卒年八十一

王朱氏志方妻五十七年生二十七歲守節卒年六十
一

趙劉氏章元妻五十九年生二十八歲守節卒年五十
一

強史氏元挺妻五十九年生二十九歲守節卒年八十
五

姚童氏和妻五十九年生二十九歲守節卒年六十二

王史氏梓文妻六十一年生三十歲守節卒年五十六

劉王氏履明妻雍正二年生二十七歲守節卒年七十

五前報作
復明

趙虞氏章瑾妻四年生三十歲守節卒年七十一
楊任氏雋芳妻五年生二十八歲守節卒年七十五
陸呂氏楷妻六年生二十歲守節卒年六十一
繆李氏履慶妻七年生二十七歲守節卒年七十三
錢周氏志仁妻八年生三十歲守節卒年七十四
王楊氏福能妻八年生三十歲守節卒年四十四
劉方氏秉誠妻十一年生十九歲守節卒年五十二
陸高氏詩文妻十一年生二十五歲守節卒年六十
陸陳氏君輔妻十三年生二十八歲守節卒年七十五
虞曹氏元禮妻乾隆元年生二十六歲守節卒年六十

溧陽縣續志

卷六

雜類志 補遺

三

八

何虞氏世豪妻三年生二十二歲守節卒年六十三
普黃氏紹興妻四年生二十二歲守節卒年七十五
王蔣氏必達妻四年生二十四歲守節卒年六十一
虞沈氏淑賢妻四年生二十八歲守節卒年七十八
趙劉氏文俊妻六年生三十歲守節卒年六十八
普彭氏生員紹祿妻七年生二十五歲守節卒年七十
二

強朱氏秉照妻七年生二十九歲守節卒年七十四
芮楊氏標魁妻十一年生二十二歲守節卒年七十六
繆戴氏連涵妻十一年生二十五歲守節卒年五十六

楊蔡氏奠邦妻十二年生二十四歲守節卒年六十二
普蔣氏紹修妻十二年生二十五歲守節卒年六十九
周高氏宗輝妻十二年生二十七歲守節卒年七十二
陸陳氏文秀妻十三年生二十四歲守節卒年六十
張田氏監生鴻妻十三年生二十六歲守節奉養翁姑
卒年九十八

虞周氏懷智妻十五年生二十八歲守節卒年六十四
陸顏氏民詩妻十六年生三十一歲守節卒年七十八
徐管氏正泰妻十七年生二十三歲守節卒年八十八
陸暴氏有敬妻十七年生二十五歲守節卒年五十八
彭蔣氏旂可妻十七年生二十九歲守節卒年七十七

溧陽縣續志

卷六

雜類志 補遺

三五

張彭氏元福妻十八年生二十六歲守節卒年八十一
普公羊氏承光妻十八年生二十六歲守節卒年七十
楊王氏容妻十九年生二十二歲守節卒年三十六

陳宋氏廷傑妻二十四歲守節卒年六十
陳宋氏下來
冊不注生年
概稱乾嘉以前
人姑照錄此

陳張氏秀標妻二十六歲守節卒年四十九

陳殷氏明德妻

陳史氏煒妻

以上完節。前
卷列女徑接嘉

慶十八年次第續載而採訪所得有由十八年
以前并及歷朝者錄入補遺以俟將來揆敘

續補

莘塘週八十餘畝堰西塘週三十餘畝俱距城南二十里

寶橋壩距城二十里同治間重修

水利碑在湯家橋

南唐屯田郎中兼集賢殿學士徐洙墓在五屋山南

宋進士吏部文選司孫旭墓在山山優曇峯

明高州府知府楊紹墓在樞巷

轉運使吳遇龍墓在高嵩園

劉志明都督府宣義

劉文瀾鴻臚寺序班

溧陽縣續志

續補

劉一渠吏部知印

劉一和直隸靜海縣縣丞

劉一親貢生

狄邦慶光緒戊戌歲貢

費祖明廩貢

蔣鼎元江西候補巡檢署德興縣典史

王福有行伍花翎守備

潘振祚縣學生以祖貽廉兼襲雲騎尉

狄岱字魯山性至孝侍母疾朝夕不離側者十餘年早
有聲於庠序道光己酉中式順天舉人揀發甘肅歷任
金縣大通擢貴德廳同知皆有政聲宰鎮原五年嚴懲

蠹役清理積贖去之日羣情眷戀臚陳政績形諸歌詠
乃甫膺卓薦而身歿論者惜之

狄炳燾字子旭咸豐壬子舉人大挑知縣簽分福建初
涖大田承兵燹之餘招徠流亡嚴詰奸暴民稍復業修
葺書院捐廉督課士風以振歷任甯德連城崇安福安
等縣所至夙弊一清卒於官囊橐蕭然福安民思其德
為立生祠云

狄諒福建候補從九品因公歿於海道光二十一年
旌卹准入忠孝祠

孝子尤之佐見舊志嘉慶十八年

題旌建坊

溧陽縣續志

續補

一一

胡張氏浩源妻 據節孝祠主補下同 周狄氏炳行妻

符虞氏天樞妻 王蔣氏望安妻 岑狄氏克明妻

戴馬氏雲卿妻 宋姜氏壽林妻 施蔣氏學芳妻

蔣史氏順福妻 包張氏福源妻 張羅氏順龍妻

戴蔣氏長庚妻 周張氏維城妻 王彭氏憲章妻

王朱氏壽昭妻 陳鄭氏加綬妻 朱陳氏學泰妻

鄭施氏道濟妻 呂萬氏佑林妻 施沈氏貽楷妻

宋周氏期遴妻 彭唐氏永隆妻 朱易氏日莊妻

高馬氏上櫬妻 潘王氏正孫妻 陳芮氏朝元妻

施史氏迎祥妻 戴符氏順和妻 芮黃氏應相妻

戴張氏克明妻 符徐氏心淵妻 楊徐氏恩赦妻

戴毛氏登雲妻 張周氏體功妻 史呂氏栻妻

潘朱氏時鼎妻 彭王氏公溥妻 周胡氏盤庚妻

陳蔣氏枝春妻 狄史氏峇妻 朱彭氏天祥妻

黃車氏佳緒妻 馬氏起鳧女 陳狄氏象初妻

陶鄭氏六敘妻 張蔡氏彬妾 錢芮氏濤成妻

楊黃氏漢晔妻 王周氏壽蓮妻 李王氏德儒妻

蔣芮氏世桐妻 陳胡氏志友妻 陳黃氏廣珮妻

蔣楊氏其順妻 張何氏汝貞妻 狄李氏平坤妾

潘高氏迪開妻 王濮氏賢沛妻 王趙氏如球妻

彭周氏昭德妻 宋戴氏學仁妻 陳呂氏懋靜妻

陳馬氏懋安妻 鄭王氏曾四妻 胡任氏源溪妻

溧陽縣續志

續補

二二

彭陳氏可年妻 陶馬氏達儒妻 狄羅氏鵠服妻

周楊氏鈺霞妾 錢羅氏鈺寶妻 吳於氏聚賢妻

呂史氏漢庚妻 萬施氏瑞謙妻 史呂氏宗河妻

王潘氏奕亨妻 彭史氏敬竹妻 戴彭氏其祿妻

彭施氏文柱妾 戴黃氏士元妻 沈呂氏永朝妻

莊陳氏成奎妻 史馬氏燧妾 史趙氏蘭芳妻

史談氏德昌妻 史周氏士鉉妻 史狄氏文昇妻

史周氏文熙妻 史戴氏科文妻 路謝氏正昌妻

路史氏邦福妻 王蔣氏瑩茂妻 史潘氏文瀾妻

路韓氏茂華妻 路僕氏祖華妻 黃路氏世達妻

彭周氏穎驥妻 張王氏象貞妻 張于氏起妻

彭史氏筠庵妻 彭胡氏仲璣妻 彭王氏惟喬妻

彭周氏南塘妻 彭黃氏正心妻 彭楊氏新湖妻

彭周氏樂山妻

潘周氏文寶聘妻未婚夫故守貞殉節 據節孝祠請旌冊結下同

宋王氏臣潒妻康熙十六年生二十九歲守節卒年六十

宋周氏之賓妻二十年生二十九歲守節卒年六十一

宋強氏極妻二十四年生三十歲守節卒年八十五

宋陳氏旭齡妻二十五年生二十七歲守節卒年四十

宋朱氏鴻妻五十九年生二十二歲守節卒年七十五

彭吳氏監生餘慶妻道光四年生二十九歲守節剖股

溧陽縣續志

續補

四

愈姑卒年三十九

陳吳氏定福妻二十一歲守節卒年六十一

黃周氏炳源妻道光二十年生三十歲守節現年六十

程蔣氏熙恭妻咸豐五年生二十八歲守節 以上書成後報附補

遺末以便將來揆叙

